

TE HEHEURAA API

INEIA I TE PIHA NENEIRAA NO TE EKALASIA A IESU MESIA I TE FEIA MO'A I TE MAU MAHANA
HOPEA NEI I PAPEET, TAHITI, I TE MAU FENUA SOTAIETE, I TE MAU AVA'E ATOA.

Nu. 1

Tenuare, 1934

Mat. 28

E teie nei, e ara, aore hoi outou i ite i te mahana e te hora atoa e tae mai ai te Tamaiti a te taata. Mataio 25:13.

E TO OTEANIA FARANI

Ia ora na tatou i teie matahiti api 1934.

Ia ora na to tatou Tavana Rahi e te feia manu i raro a'e ia'na.

Ia ora na atoa o Montagne Vahine e ta raua mau tamarii.

Te tupu nei te oaoa i roto i to tatou aau na roto i te farerei faahou-raa i ta tatou vea iti “*Te Heheuraa Api*” o te nenei faahou-hia e te nenei-raa vea a “*Te Heheuraa Api*” i muri ae i na avae taivaraa hnrn maoro i mairi a'enei.

Te faaite nei “*Te Heheuraa Api*” i to'na maururu i to tatou Tavana Rahi no to'na faatitiaifaroraa i te parau faatia no ta tatou vea iti mai te au i te ture no te neneiraa vea.

I te avae ra ia Tiunuu 1933 i tae mai ai o Montagné i rotopu ia tatou. Te faatere atoa ra oia i te mau fenua Farani

oia te Comores, i tae atu ai te parau a te Faaterehau Rahi no te mau Aihuarau Farani; no tona maiti raa hia ei Tavana Rahi no te mau Fenua Farani no Oteania nei. A ono avae oia i teie paeau o te ao e ua oti oioi ta'na hiopoa raa i Tahiti e ati tia ae, e te mau fenua i raro oia to'a hoi na motu Tuamotu e raverahi.

Ta taimé hia o Montagné e faa ati mau oia i te mau fenua e rave rahi e tia atoa ia'na ia hiopoa.

Na Montagné i avari, mai te faahanahana, i te apooraa Rahi faaherehere faufaa o Oteania nei.

Na roto rá i teie anotau fifi rahi no te veve ino roa raa te ao taato'a nei, ua riro atoa ta Montagné faatereraa ia tatou ei hopoia teiaha e te fifi rahi. Ua tiaturi oia i te Hui taata o te fenua nei e to te mau motu na rapae mai, ia turu papu ia'na na roto i te faaitoito i te faaapu i te fenua ia vai ineine noa te reira no te mau mahana maitai e titau hia nei e te taato'a raa.

E no reira e to Tahiti nei e to te mau motu atoa eiaha to outou mana'o itoito ia paruparu; Eere e atahi ra teie nei ao i veve roa, e ua ruperupe faahou mai hoi.

Mai ta Montagné i tiaturi i nia ia tatou e tia'i, tiaturi atoa tatou i nia i ta'na faatere raa Repupirita mau, mai ta te hoê mau huaai maitai e tiaturi i to ratou metua maitai. E Metua maitai atoa oia inaha e rave rahi roa ta'na huaai e ua riro hai To Oteania Farani taato'a mau Hui raatira ei tamarii faaamu atoa na'na. Ta riro mau a o Montagné ei Tavana e ei Metua nounou na tatou; mai te huru o te Hui raatira Comoris e nounou rahi mai ra ia'na.

E tia mau atura ia ia tatou ia tiaturi i to tatou Tavana mai te finu ore e mai te feruri, e eita te mau ohipa ino e te mau ohipa paari e te mau fifi rarahi e oti e e matara i te mahana hoe.

te
te

Ta Maitai to Tatou Tavana Rahi.


Ta Maitai o Montagné Va'hine e ta rana mau Tamarii

Ta Maitai te Feia Mana e faatere ia Tatou.

Ta Maitai Tatou Paato'a.

Ia ora Te Hau Repupirita Farani.

Te Heheuraa Api.



To tatou Peretiteni
api, Leroi Marori e ta'-
na vahine Muria Marori
e ta raua mau tamarii.

Te Parau Aroha

I te mau taeae e te mau tuahine e te mau hoa atoa i
te pae ao moana nei, ia ora na tatou atoa i roto i te aroha e
te mana faito ore o to tatou Fatu te tumu o te mau mea atoa.

Ua tae mai matou o Muria e ta mana mau tamarii na

nia mai i te pahi ia Makura, e e tereraa maitai roa hoi to matou; e e mea maitai roa ta matou faaearaa i Tahiti nei.

Te tupu nei to'u hinaaro i te faaite atu ia outou na i to'u mauuruu no te tatou fareroi-faahou-raa i te pae ao moana nei, i roto i te ohipa o te tatou Atua. E te afai mai nei au i te aroha o te tatou Pepopheta ra e te mau taata faatere i te Ekalesia. E ua afai atoa mai au i te mau parau aroha o te Feia o te Ekalesia i te fenua roa. Te rave itoitio nei ratou i te ohipa o te Fatu, e te haere nei te ohipa o te Ekalesia i mua i te mau vahi atoa o teie nei ao.

E homa e ua ite au e, e feia haamaitaia outou; no te mea e e tau au teie; I te rahiraa o te mau fenua, aita i te tahi pae e amu i te maa, e to ratou mau fare e mea toetoe i teie nei, e ua rahi roa te mau huru ati te yai ra i tereira mau fenua I ô nei ra, aita te hoe mea mai te reira te huru i tapu. Te hotu maitai nei ta outou mau fenua, te parahi nei outou i roto i te mau fare maitai ma te toetoe ore, e te amu nei outou i te maa i te mau mahana atoa, e te parahi nei outou ma te hau e te peapea ore. A taio maitai outou i ta outou mau haamaitairaa, e ite outou e e feia haamaitaia outou e te Atua. E eaha to outou ravea ia haamauruu atu ia'na no teie mau haamaitairaa, maori ra na roto i te haapaoraa e te rava raa i ta'na ohipa.

“O te mana ia o te Atua ia ora te feia atoa i faaroo ra.” Roma 1:16. Eiaha ra tatou ia faaroo ana'e, ia haapao etoa hoi i te mau ture o te Evanelia ra e tia'i, ei reira to tatou faaroo e haamauhia'i i nia i te poupon, e e ore ia e mou ia ūhia i te pape pue.

E no reira, e au mau taeae e au mau tuahine, e faaitoitio tatou i te no-haere-raa i te parau mau, mai te faaore-mai, te haehaa e te aau mōra. E haamana'o tatou i te p. r. u a te Fatu, tei na ô mai e “O te taata e tuu i te rima i nia i te arote a hi'o ai i muri, e ore ia e au no te Basileia o te At-

ua.” E tamau maite tatou e tae noa’tu i te hopea. E matana tatou i te imi i te basileia o te Atua, e e amuihia mai te mau mea atoa ia taton.

Ia haamaitai te Fatu outou atoa o tei tauturu i te haaparareraa i te parau mau na teie mau fenua nei, o to’u ia pure, mai te io’a o te Fatu ra O Iesu Mesia; Amene.

Papaihia to outou taeae i te ohipa nei.

Leroi Marori.

Eliaha Te Peropheta

Te na o maira te parau a te buka a Malaki e, “Inaha, e tono na van i te peropheta ra ia Eliaha ia outou na, a tae atu ai i taua mahana rahi mata’u o Iehova ra; ia faafariu oia i te aau o te mau metua e te tamarii, e te aau o te mau tamarii e to ratou ra mau metua, o te haere mai hoi au, e o te tairi i te fenua nei i te ino”. Malaki 4-5:6.

Te faaite mai nei te parau i mua nei e, e peropheta o Eliaha, E oia mau ia, e peropheta rahi oia. Aita oia i tohu i te mau parau tohu mai ia Isaia mai ia Ieremia, are râ, e taata paran-tia mau o Eliaha, e no reira, ua maitihia oia no te raveraa i te tahi ohipa rahi e te maere; oia hoi te faafariuraa i te aau o ta mau tamarii i to ratou ra mau metua tupuna, e te faafariuraa atoa hoi i te aau o te mau metua tupuna i to ratou ra huaai.

E no reira, ua horoahia ia Eliaha te hoê mana rahi roa, e te hoê toroa iti rahi, e ua riro oia ei peropheta rahi roa. E ohipa iti rahi hoi ta’na ia faatupu.

Ua fanau o Eliaha e 900 matahiti hou i te fanauraa o te Mesia. Tei te ariiraa o te arii o Ahaba ia, E arii paran-tia-ore oia, e ua tamata oia i te rave i te mau ohipa hupehupe e

te ino; Aore ra O Ahaba i manuia. E no to Eliaha parau tia i riro ai oia e aata mana e te maitai i to'na ra anotau, e ua reva'tara oia na roto i te puahi'ohi'o i nia i te ra'i ra. Te mau Arii II 3:11.

I te anotau o te Mesia, ua tono mai te Atua ia Eliaha e ia Mase i te a'oi nei, ia rave raua i te hoê ohipa e an maitai i te reira mau mahana ra. Oia mau ia, i te mau mahana a haere atu ai Iesu e o Petero, e o Iakoba, e o Ioane i nia iho i te hoê mo'ua i ô i Ierusalema, ua fâ maira o Eliaha e o Mose, mai nia mai i te ra'i mai, E ua ite taua na aposetolo tootoru i te faahuru-ê-raa o te Mesia, e ua haamaitai atu o Mose raua o Eliaha ia Iesu i reira ra.

Te na ô mai ra te Peropheta o Iosepha e, "E mea mure ore te autahu'araa. Ua horoa atu o Iesu, e Mose, e Eliaha i te mau taviri ia Petero ma i nia'e i te mou'a, e e huru ê atura oia i mua ia ratou. E mea hope-ore te autahu'araa, aita ia e haamataraa i to'na mahana, e aita atoa hoi ia e hopea i to'na ra mau matahiti. Mai te mea e, aita e huru ê ra i te mau oroa, aore atoa hoi e huru-ê i te autahu'araa. I te mau vahi e haapaohia'i te mau oroa o te Evanelia, ei reira atoa hoi te autahu'araa. "Parau Tuatapapa no te Ekaleia III-367."

Ua tonohia mai o Mose raua o Eliaha no te raveraa i taua ohipa rahi i te maitai. Ua mau raua i te taviri no te autahu'araa i te anotau tahito, e uo reira e mea tia ia tonohia mai raua, e na raua e horoa atu i te mau taviri i mauhia e e raua ia Petero e Iakoba e ia Ioane.

I te anotan hopea nei, ua fâ-maira o Eliaha, te Peropheta ra, ia Iosepha Semita raua Olivira Kauderi, tia ihora oia i reira, i te na ôraa e, "Inaha, ua tae tia mai te tau i parauhia na e te vaha a Malaki, o te faaite maira e, e tonohia mai oia ra, (o Eliaha), houna'e i te taeraa mai a te mahana

rahi e te ri'ari'a a te Fatu, ia faafariu oia i te mau aau o te mau metua i ta ratou ra mau tamarii, e te mau aau a te mau tamarii i ta ratou ra mau metua, no reira te horoahia nei te mau taviri no teie nei anotau, i roto i to orua pue rima. "Buka Fafau 110: 13-16."

E tuatiraa e vai nei i rotopu i te mau metua e te mau tamarii, o te papetizoraa ia no te feia i pohe ae. No te mea, ia ore tatou ia tuatihia'tu ta ratou ra. (oia hoi to tatou mau fetii i pohe) aore ia e noaa ia tatou te huru hanahana tia mau ra. E ia ore ratou, (te mau fetii i pohe) i tuati-hia mai ia tatou nei, aore atoa ia e noaa ia ratou ra te huru hanahana tia mau ra, ia ore rateu tei pohe i roto i te evanelia ia tuatihia mai. "Buka Fafau 128:18; Hepera 11:40.

Ua fâ maira o Eliaha i te 3 no Eperela i te matahiti 1836. E i roto i te hiero i Kiret-lani ua horoa mai oia ia Iosepha Senita ma, i te mau taviri no te ravera i te ohipa no te feia i pohe ra. E ohipa rahi e te maere ia.

Mai te reira mahana mai â, ua tupu te hinaaro i roto i te aau o te mau tamarii a te taata nei, ia imi ratou i te parau tuatapapa no ta ratou ra mau metua i pohe ra.

E mea maere te mau ravea a te Fatu. Te tupu noa nei te tahi mau Sotaiete e rave rahi i te a'o nei, o te faaitoito nei i taua ohipa imiraa-parau-tnatapapa ra.

Ua faaue mai te Fatu, ia rave itoito te feia mo'a i taua ohipa maitai ra. E te rave noa nei to te Ekalesia e Iesu Mesia i te Feia mo'a i te Mau Mahana Hopea Nei, i te ohipa no te feia i pohe ra, i roto i te mau hiero ra. E hitu hiero e vai nei i patuhia e te feia mo'a nei no te raveraa i taua ohipa ra. Aore e ohipa no te feia i pohe ra, aore e faaroo mau ia i reira ra.

Te haapaohia nei te mau oro'a no te Evanelia; te mau mea, a te Fatu i faaue mai, te rave itoito hia nei ia, mai te

te au i ta Iosepha Peropheta parau, oia hoi, i te vahi e haapaohia'i te mau oroa o te evanelia, ei reira atoa hoi te autahu'araa. Ei reira atoa hoi te faaroo mau e te feia mo'a mau a te Atua.

Ia ora outou i te aroha mau a Iesu Mesia. Amene-

Papaihia e Andrea Setamana.

Ite oire Porovo, i Utaha.

Te Ekalesia A Iesu Mesia

Te haamori nei matou i te Atua Mana-hope mai te au i te aau nei, e e faatia'tu hoi ia na reira atoa te taata atoa ia haamori, noa'tu te huru, e te vahi, e te mea ta ratou i hinaaro ra.

Mai te faatiaraa o te Ekalesia a Iesu Mesia i, te Feia Mo'a i te Mau Mahana Hopea Nei, ua haapaohia teie nei ture e ratou.

Te haamori te mau melo o taua Ekalesia nei i te Atua mai te tiaturi papu i te Bibilia e te mau parau papai a te Atua. Te tiaturi atoa nei ratou i te mau parau i hehenuia mai e te Atua i muataa ihora, e te mau parau ta'na e heheu mai i tei nei, e te faaroo nei ratou e, e riro â oia i te heheu mai i te hoé atu â mau parau maitai e te faufaa rahi i to'na ra basileia.

Te ora nei te Fatu e te faatere nei oia i ta'na Ekalesia i nia te fenua nei. No reira i parauhia ai e, o te Ekalesia a Iesu Mesia e mea ora ia.

Aita roa nehenehe ia tiaturi i te Bibiria anae, maori te mau mea atoa a te Atua.

Mai te haamataraa o te Ekalesia nei ua tac te mau

haa
faa
e te
arat

Eka
nei
mau
paol
fenu

Eka
ra. I
te F

te A
i rot

eiaha
ni-m
a'tu,
tou,
mau
e, ia
te m
vii o
tatai

mau
hoi t
i teie

haamani-ino-raa o te enemi i nia iho ia ratou no to ratou faaroo. Noa'tu i te reira ua tiaturi maitai ratou i te Atua Ora e te mau parau ta'na i faaite mai i ta'na mau tavini no te aratai raa e no te faatereraa ia ratou.

Te na ô mai te tahi parau matamua no te faaroo o te Ekalesia a Iesu Mesia i te Feia Mo'a i te mau mahana hopea nei e, "Te faaroo nei matou e, ia anrarahia te mau arii, te mau peresideni, te mau faaterehau, e te mau haava, ia haapaohia, ia faaturahia e ia faatiatia' tu hoi te mau ture o te fenua nei.

Ua haapao atoa-hia teie nei ture e te mau melo no te Ekalesia i te mau fenua e te mau vahi atoa haerehia e ratou ra. Noa'tu i te ture o te mau hau te faatura e te haapao nai te Feia Mo'a i taua mau ture ra ei faatere no ratou.

Te faatia nei matou i te mau taata atoa tei haamori i te Atua mai te au i to ratou hinaaro. Te vai nei te maitai i i roto i te mau Ekalesia e te tauturu nei ratou i te taata.

"Te faaroo nei matou e, eiaha e eia, eiaha e haavare, eiaha hoi e taiata, ei aau maru ra, e te viivii ore, e te hamani-maitairaa' tu i te taata atoa. E ia na o tatou i te faaiteraa' tu, te pee nei matou i te a'oraa a Paulo, te faaroo nei matou, e te tia nei hoi i te mau mea atoa nei. E rave rahi te mau mea i faaoromaihia e matou, e te hinaaro nei hoi matou e, ia itoitoe matou i te faaoromai i te mau mea atoa ra. E mai te mea te vai atura te hoe mau mea tia ra, e te mau mea viivii ora ra, e te mau mea popouhia ra, e te mau mea roo maitatai ra, e feruri maite â ia matou i te reira. 'Iosepha Semita.

Tei roto i te Ekalesia a Iesu Mesia te mau maitai o te mau Ekalesit atoa, e te vai atoa nei to'na mana faatere, oia hoi to'na Autahuaraa. No reira oia i faatia ai ta'na Ekalesia i teie anota hopea nei, ia ora te feia o te haapao i te reira.

Papaiahia Leroi Marori.

Te Matahiti Api

E te mau hoa no te Heheuraa Api e, ia ora ra outou atoa i teie matahiti api. O teie te tau e au i te taata ia hio i muri e ia hi'o i mua hoi, mai te feruri maite e i te uini papu ia'na iho e eaha te ohipa maitai ta'na i rave i te matahiti tei mairi i muri; Ua oaoa hoi anei e ua maitai anei te hoê mau taata i te ohipa ta'na i rave. Ahiri aita te hoê mau taata i maitai i te ohipa ta tatou i rave ra, e au roa ia parau e e matahiti manuia ore teie ia tatou.

No reira i roto i teie matahiti api nei a hamani maitai atu tatou i te taata atoa. Eiaha te hoe mahana ia mairi ma te rave oreraa-hia te hoê ohipa maitai. E tauturu i te feia veve ra e ia ratou hoi o tei roohia i te mau ati hururan. E roa hoi i te taata te oaoa rahi no te tauturu raa'tu i te feia t i roohia i te ati. A tamata tatou i te haapao i teie haapiiraa i roto i teie matahiti api. O te hinaaro mau ia o te *Heheuraa Api*.

Ua Pohe Birigama Robereta.

I te piti ahuru no te avae Setepa i mairi a'e nei ua pohe to tatou taeae Birikama Robereta, oia hoi, te Peretiteni oia no te Peretiteniraa matamua no te Hitu Ahuru Ma Hitu i roto i te Ekalesia a Iesu Mesia i te Feia mo'a i te Mau Mahana Eopea Nei.

Ua faaterehia te pureraa no te hunuraa o to'na tino i roto i te fare Menemene i Roto Miti. Na to toton Peretiteni o Hepera Garata i faatere i taua pureraa ra. Ua i roa ta ta fare ra i te mau taata te haere mai no te farerei raa hopea i to ratou ra taeae i nia i teie nei ao.

E taata itoito roa o Birikama i roto i te Ekalesia e ua paruru oia i te reira Ekalesia ma to'na manao atoa e ma to'na mau ohipa papai atoa; oia hoi, ua papai oia e pae ahuru ma vau buka no te Ekalesia. E taata itoito atoa oia no te poro haere i te Evanelia, ua mata'u ore oia i te mau enemi; i teie nei ra ua piri to'na vaha e ua faaea to'na rima i te papai, e ua maeri to'na tino i roto i te pohe, tirara ra eita roa tatou e haamoe ia'na no te mea te vai noa nei ta'na ohipa i mua ia tatou nei, e e riro te reira ei tauturu rahi no tatou.

Te Mau Parau Api.

Te Hoe Ohipa Faahiahia Rahi,

I te 3 no Novema i mairi a'e nei, i faaterehia'i te hoe nuu rahi farani, pahi na te reva, mai Farani atu te reva, e faaati atu ai na te mau fenua aihuaraau farani no Afirita. E toru ahuru pahi reva, i roto i taua nuu ra, e te maororaa o te mau vahi ta ratou i tere ra e 25 tautatini kilometera, e te raatira rahi e faatere i taua nuu ra, o te hoe ia Raatira Tautatini "General Vuillemin" to'na io'a, e Aito rahi oia no rotopu i te mau Aito rarahi na Farani rahi, i roto i te tama'i rahi i mairi a'e nei. Te opua nei te "Heheuraa Api, e ia manuia maitai te tere o taua mau Aito ra, ia hoi mai â ratou i Farani mai te maitai.



Ua Pohe O Paul Painleve.

E taata rahi no Farani tei pohe a'e nei, O Paul Painleve taua taata ra. O ona tei maitihia e te Peretiteni ro te Repupirita i pohe a'e nei, ei haapao e ei faatere i te mau ohipa no te mau nuu faahau e no te tamai. Aita to'na tino i hunahia i roto i te repo, ua vaiiho hia i roto i te menema vai-raa tino o te feia mana i tavini i te Hau Repupirita Farani. Ua nuinui e hia mai ua te parau no to'na poheraa, na te reva, i Tahiti nei, e te faaneraa atoa a te Hau Farani e e vau mahana ta te mau fenua aihuaraau Farani no te ao taato'a nei i te hevaraa ia'na, na roto i te haamau noaraa i te mau reva i ropu i te mau tira hutiraa reva ei tapao no te hevaraa o Farani ia'na. Ua na reira atoa hoi te man Tonitara no te mau faahoa mai i Farani i roto i te tamai rahi ra.

Ua Pohe e Piti Ahuru Ma Vau Taata i Europa.

I te 14 no te avae Ditema i mairi a'e nei ua tupu i te hoe vero i Europa e ua pohe e piti ahuru ma vau taata ra. I roto i taua vero i te fanua Finland, ua tomo te hoe pahi nainai e ua pohe hoe ahuru ma piti taata. I te fenua Paretanera, ua tomo te tahi pahi e ua pohe e iva taata i reira. I te fenua Farani i te oire Dunkirk ua tomo te pahi ra, o Dyck e ua pohe e hitu taata.

Mr. LOUIS- DROLLET Gérant

Mr. L. R. MALLORY Imprimeur.

Rue Dumont d'Urville, Orovini, Papeete, Tahiti.

